



Broj: 16-35-2-2027-2/14

Sarajevo, 15.09.2014. godine

Na osnovu člana 14. stav (1) i (2) Zakona o slobodi pristupa informacijama u Bosni i Hercegovini (Službeni glasnik BiH, broj: 28/00, 45/06, 102/09, 62/11 i 100/13) i člana 6. stav (2) Odluke o organizaciji Tajništva Predsjedništva BiH (Službeni glasnik BiH, broj: 41/13), rješavajući po zahtjevu za pristup informacijama u Predsjedništvu Bosne i Hercegovine podnesenog od Centra za istraživačko novinarstvo dana 02.09.2014. godine,
d o n o s i m

R J E Š E N J E

I Odobrava se zahtjev za pristup informacijama Centra za istraživačko novinarstvo, podnijet Predsjedništvu Bosne i Hercegovine dana 02.09.2014. godine, odnosno podnosiocu zahtjeva se dostavljaju sljedeće informacije:

Članovi Predsjedništva Bosne i Hercegovine osvaruju plaće i naknade troškova zaposlenih u skladu sa Zakonom o plaćama i naknadama u institucijama BiH („Službeni glasnik BiH broj: 50/08, 35/09, 75/09, 32/12, 42/12 i 50/12).

S tim u vezi:

- osnovna plaća člana Predsjedništva BiH iznosi 4.756,90 KM. Osnovna plaća se uvećava za postotak radnog staža;
- topli obrok iznosi 6 KM dnevno
- regres se isplaćuje u skladu sa Odlukom o visini regresa za godišnji odmor u institucijama Bosne i Hercegovine i iznosi 1 (jednu) KM.
- naknada za odvojen život se isplaćuje u skladu sa Odlukom o načinu i postupku ostvarivanja prava zaposlenih u institucijama Bosne i Hercegovine na troškove smještaja, naknadu za odvojeni život i naknadu za privremeno raspoređivanje. Članovi Predsjedništva ne primaju naknadu za troškove smještaja, već se ti troškovi plaćaju direktno zakupodavcu u skladu sa navedenom odlukom.

Savjetnici članova Predsjedništva Bosne i Hercegovine osvaruju plaće i naknade troškova zaposlenih u skladu sa Zakonom o plaćama i naknadama u institucijama BiH („Službeni glasnik BiH broj: 50/08, 35/09, 75/09, 32/12, 42/12 i 50/12).

S tim u vezi:

- osnovna plaća savjetnika člana Predsjedništva BiH iznosi 2.140,61 KM. Osnovna plaća se uvećava za postotak radnog staža;
- topli obrok iznosi 6 KM dnevno

- naknada za prevoz se isplaćuje u skladu sa Odlukom o visini, načinu i postupku ostvarivanja prava na naknadu za prevoz na posao i prevoz s posla u institucijama Bosne i Hercegovine;
- regres se isplaćuje u skladu sa Odlukom o visini regresa za godišnji odmor u institucijama Bosne i Hercegovine i iznosi 1 (jednu) KM.
- naknada za odvojen život se isplaćuje u skladu sa Odlukom o načinu i postupku ostvarivanja prava zaposlenih u institucijama Bosne i Hercegovine na troškove smještaja, naknadu za odvojeni život i naknadu za privremeno raspoređivanje. Savjetnici članova Predsjedništva ne primaju naknadu za troškove smještaja, već se ti troškovi plaćaju direktno zakupodavcu u skladu sa navedenom odlukom.

II Troškova postupka za pristup informacijama nema.

O b r a z l o ž e n j e

Predsjedništvo Bosne i Hercegovine je dana 02.09.2014. godine zaprimilo zahtjev za pristup informacijama Centra za istraživačko novinarstvo, u smislu dostavljanja informacija koje se odnose na iznose plaća, toplog obroka i svih vrsta naknada koje nemaju karakter plaća(naknade za prijevoz, odvojen život, smještaj, itd) za sve članove Predsjedništva BiH i njihove savjetnike tijekom razdoblja od studenog 2010.godine do dana primitka zahtjeva.

Predsjedništvo Bosne i Hercegovine je u vezi podnesenog zahtjeva procijenilo da je zbog javnog interesa potrebno istom udovoljiti te je poduzelo sve potrebne mjere da informacije prikupi, razmotri sve činjenice i okolnosti koje su značajne za obradu podnesenog zahtjeva i u cjelosti ovim aktom odgovori na podneseni zahtjev.

Troškova postupka za pristup informacijama nema.

Na osnovu ovakvog činjeničnog stanja, a u skladu sa članom 14. Zakona o slobodi pristupa informacijama u Bosni i Hercegovini, odlučeno je kao u dispozitivu.

Pouka o pravnom lijeku: Protiv ovog rješenja može se izjaviti žalba u roku od 15 dana od dana prijema rješenja. Žalba se podnosi Žalbenom vijeću pri Vijeću ministara Bosne i Hercegovine, a stranka se može obratiti i Instituciji ombudsmena za ljudska prava Bosne i Hercegovine.

GLAVNI TAJNIK
Boris Buha



DOSTAVITI:

- Centar za istraživačko novinarstvo
- aa

